

Gij Siuq Myauzcuz Yungzsuij Byaij Haeuj Yinghgoz Ndaej Haenhdanq

融水苗族刺绣走出国门惊艳英伦

12 nyied 7 hauh, Yungzsuij Manmyauz Vwnzva Cungsim dungj-swcangj mbwk Lij Yihiyenz caeuq 8 boux canghsuiq mbwk Yungzsuij、Sanhgyangh、Gveicouh daiq gij siuq conzdungj Myauzcuz daengz le aen hozdung cawjdaez “Cungguek vwnzva dinfwngz conzdungj byaij haeuj Yinghgoz” youq Yinghgoz Lunzdunh gawjbanh haenx.

Dang ngoenz, youq diegciengz baijyienj ndangdaenj seizhwng aeu “swnjcienz sim canghdajnyib siengi-muengh siuq bakbi” ma guh cawjdaez haenx, 40 dauq buhvaq cungj dwg siuq miz vasaek dozanq Myauzcuz、Cungh Yingh sezgiswh lienzhab sezgi haenx youz gyoengq mozdwwz baijyienj okdaej. Sojmiz gij buhvaq baijyienj

haenx cungj dwg sawjyungj gij yenzsu siuq Myauzcuz Yungzsuij、Sanhgyangh caeuq Gveicouh caeuq ciuhneix sezgi doxgiethab, dawj gij dozanq siuq conzdungj Myauzcuz yungzhaej ndaw ndangdaenj seizhwng bae, baijyienh le gij gyaundeis caeuq gij minghhoengh hwngfat Myauzcuz conzdungj vwnzva, vih ngoenzcog song dieg gij siuq sezgi、doigvangq caeuq gaicawx daezhawj haeujcoengh caeuq bangcoh caep roengz giekdaj ndei.

(Veiz Ciginh/韦志军 Lij Yihiyenz/李伊园)

► Gyoengq canghsuiq mbwk caeuq mozdwwz hab'ingj.



▲ Yienjheiq yienhciengz.

Golau Lungzlinz Byaij Haeuj Geiqyinyoz Feihyiz Gujyoz

隆林古歌走进古岳非遗音乐季

12 nyied 16 hauh, geiqyinyoz feihyiz Gujyoz youz Cungguek Vwnzvuz Baujhoh Gihginhvei Feihvuzciz Vwnzva Yizcanj Baujhoh Cienhangh Gihginh Guenjieix Veijyenzvei cawjbanh haenx, nem hawgo Bouxcuengh swnjcienz baujhoh baenzdauq hozdung youq Namzningz Gujyoz gawjheng. Lungzlinz “Yezdungzlingz” Myauzcuz ndawbiengz yizsuzdonz《Goangq Lungzlinz》cienziengz yenzswnghdai yinyozvei byaij haeuj geiqyinyoz feihyiz Gujyoz.《Mbunqmbaj Mbin》、《lu Daeggo Daeuj Dak Ronghndwen》、《Anghoh Cietdiuqbo》daengj golau feihyiz cungj yinx ndaej haujlai vunzlai humx yawj. Doengzseiz gij ndangdaenj gyoengqde hix yinx ndaej haujlai vunz cim yawj.

Ciuq cam rox, mbat geiqyinyoz dieg gawjbanh—Cungguek – Dunghmungz Gujyoz Feihyiz Vwnzvachunh, dwg aen hanghmoeg youqgaenj daegsaek vwnzva binjbaiz Namzningz Si Cinghsiu Gih gunghanq he, hix dwg aen hanghmoeg doxgap yienghceij Gvangsiah feihyiz swnjcienz、baujhoh、cauhmoq caeuq hwngfat he.

(Yangz Dwnghliengz/杨登良)

Muedlwnz Bouxcuengh Libuj Yen Youq Daengx Guek Heiq Ndei Baijyienj Ndaej Ciengj

荔浦县壮族末伦在全国优秀剧目展演中获奖

Geij ngoenz gonq, daengx guek gizyi、heiqmoenggaeux、heiq-ngaeuznaeng daengj heiq ndei baijyienj youq Fuzgen Swngj Cin'gyangh Si guhsat lo, muedlwnz Bouxcuengh《Saek Doumbanj》youz Geilinz Si Libuj Yen cauxsij haenx dwg diuz heiqgangciengq dog Gvangsiah camgya baijyienj ndeu, youq ndaw baijyienj gak fueng-mienh yienj ndaej ndei, bingz ndaej youhsiuciengj.

(Couh Cinyenj/周俊远 Couh Sw'gvangh/周仕光)



▲ Gyoengq bouxyienj youq gwnz daizheiq yienj ndaej yinxvunz.

Giyez Simndei Yienh Cingzcaen

爱心企业献真情



▲ Gyoengq hagseng angq dwk yungh gepvunq lienh sij saw.

12 nyied 12 hauh, giyez simndei — Ningzmingz Yen Linzsoz Vwnzva Sanghmou Mizhanh Gunghswh ginghlj Cau Lieng daiq 30 dauq gepvunq lienh sijsaw siujjhagseng dij ngaenz 6000 maenz haenx, soengq hawj gyoengq hagseng diegbya gae Naznanz Yangh Gujyoh Cunh Siujyoz, biujdap le faenh simndei gya swwhyngz giyez lauxbanj doiq gyoengq lwnyez ndawbya he, lij muengh buek hagsib yunghdawz neix ndaej hawj gyoengq lwnyez ndawbya daegbied dwg gyoengq lwnyez hohgungzhoj youq gwnz hagsib ndaej daiqdaej di bangcoh he.

(Cou Yizganh/周贻刚 Cinz Gvei-meiz/陈桂梅)